

**ALKAALAAWA – SHEHU**

1.
  1. Miɗo yetta Allah nde Hawsa hollaa waawa,
  2. O mo anndi huunde nde koowa anndi waawa,
  3. Seko fuu walaa daga goonga riiwi haawa,
  4. Miɗo yetta Allah nde Hawsa munyaa laawa,
  5. Faa julɓe tammi laawi Alkaalaawa.
2.
  1. Nde o muuyi lesnugo suudu Gobur tampundu,
  2. Ngam diina wangira julɓe nangandu turnyandu,
  3. Ardiɗo moodjere ardorii'en faa Gudu,
  4. Mi wafii salaatu he Annabiijo Muhammadu,
  5. Mo wandaangi mum to enen he Alkaalaawa.
3.
  1. Ngam teddungal jabaruutu Ya Rabbul-Ula,
  2. Ngam teddungal Malakuutu yaa Rabbul-Ula,
  3. Ngam teddungal Kudusiiyyu fu ya Zal-Ula,
  4. Ngam Zaati maada ɓangiiki ya Rabbul-Ula,
  5. Ngam maaki moytaa berni Alkaalaawa.
4.
  1. Ngam teddungal ngal zaati yaa Rabbul-Ula,
  2. Ngam tinndinooje bo non kadin yaa Zal-Ula,
  3. Ngam manngu laaminkaaku Yaa Rabbul-Ula,
  4. Ngam tinndinooje de maada Yaa Rabbul-Ula,
  5. Ngam maaje moyta berni Alkaalaawa.
5.
  1. Yaa Allah Yaa Rahmaanu Yaa Rabbul-Ula,
  2. Yaa Rabbi yaa Kahhaaru yaa Rabbul-Ula,
  3. Dum an toriimi jawaabu maa ya Zal-Ula,
  4. Ngam inde maada fu boɗɗe yaa Rabbul-Ula,
  5. Ngam maaje moyta berni Alkaalaawa.